

CHRISTA THOKITNA THAHAT



Simmun 8: August 22, 2026

“Chule Christa chu kaithouva umlou ahile kathu hillhangle jong hi moh ahin, na tahsan u jong moh ahi... Christa chu kaithou lou ahile nanghon na thusan u jong moh ahi; nangho tu a jong chonsiet a um jing nalai nahi ding u ahi.”

(1 Corinth 15:14-17)





Greekte chihgutna chun— miching tah a kihe Plato lungsuhtuo bang chun— tahsa hi thilse jieng lungvul ahin, thithe i lou alhagao kikhumna ahi ati uve. Chuti ahi tah leh Christa a tahsa thokitna chu Greek le Rome te'n iti lampang ahi ati diuvem?

Hijieh chun Corinth houbung mi phabep chun thokitna ana tahsan theilouvu ahi. Hiche tah jie chun Paul in Corith mite alekhathot masa bung 15 chun hiche thudol phatah in anahil tai.

Thu neocha ahi poi. Thokitna umlouvin sochatna aum theipoi. Thokitna umlou hileh Gospel lhangsap ipi phachuom tan tem?



Jesu thokitna

**Athokitna khangthusim a um mong hi nam?
(1 Corinth 15:1-11)**

Jesu thokit jie a chanvou ho

**Christa thoukit lou ana hita leh iti tan tem?
(1 Corinth 15:12-19)**

**Thokitna um mong ahi ipi'n aphotchet em?
(1 Corinth 15:20-34)**

Eiho thokitna

**Itobang tahsa mel toh ithokit diu ham?
(1 Corinth 15:35-49)**


**Itih tah leh ithokit diu ham?
(1 Corinth 15:50-58)**

+

•

○

JESU THOKITNA



ATHOKITNA KHANGTHUSIM A UM MONG HI NAM?

“Ajieh chu amasapen a nangho kapieh, ka thulah chu ahile Pathien lekhabu a kisei dungjui in eiho chonsiet chengse khel in Christa athi’n, ama chu avui iun, chuin Pathen lekhabu a kisei bang in nithum ni’n kaithouvin aum tai” (1 Corinth 15:3-4)

Corinth mite thokitna thudol lungbuoina aseilhappih masang chun Paul in Gospel natch je ahilthiem masa’i (1 Cor. 15:1-2):

Sapphuong
ahi



Akisaan
uve



Thuohhat tah
in ading det e



Sochatna
amuthei tai

Gospel kisamphuong chu ipi mong tah chu ham? (1 Cor. 15:3-4)

Eiho din Christa athi



Christa vui ahi
tai



Ni 3 ni’n Christa
athou tai

Athokit khangthusim a um mong ahi iti ihetdoh thei um? Jesu thokit ko’n amu’m? (1 Cor. 15:5-8)

Peter le 12
hon



Mi 500 sang
a tamjo’n




Jacob le
solchah hon





Paul in jong

Paul in Gospel kiti hi “*Pathien lekhabu a kisei bang a*” Pathien natch chu ahi ti lheng tah in aseipih tai. Hichun tohguon le toh ding masang a pat umsa ahin, thokitna chutoh kisam ahi ti aphuong doh e. Agingchalou um nalai dem? Hiche pet a amit tah a mu ho kidoh u hen!



JESU THOKIT JIEH A CHANVOU HO



CHRISTA THOUKIT LOU ANA HITA LEH ITI TAN TEM?

“Chuti a Christa kaithouva aumlou mong le ka thuseiphuong u jong moh ahin, na tahsan u jong panna bei (ahi).” (1 Corinth 15:14)

Thokitna um tahsanlouva chu Christian tahsan toh kikal a che ahi tai; ajieh chu *“Mithi thokitna aumlou le Christa jong kaithouva umlou hinte”* (1 Corinth 15:12-13). Jesu thoukit lou hita leh...



Gospel thupha sapphuong jong moh hi ding ahi [akiseilona bei] (1 Cor. 15:14a)

Itahsanna u jong moh hi ding ahi [ajieh bei] (1 Cor. 15:14b) [panna bei] (1 Cor. 15:17a)

Hettuohsah lhem ihi diu ahi (1 Cor. 15:15)

Ichonsietna uva um jing nalai ihi ding u ahi (1 Cor. 15:17b)

Athisa ho hinna a hung kile talou diu ahi (1 Cor. 15:18)



Thokitna umlou hi leh Jesu chu chondih tah khat ajieh bei a kithat bep hi ding, huhhingna pethei hilou ding ahi. *“Ahin tun vang Christa athiho lah a kuon athoudoh tai”* (1 Cor. 15:20a) . HING JING Huhhingpu nei te ihi ta uve.

Hijieh hin Gospel chu thugil tah akiti tan, itahsanna u jong gil tah ahi tai, hettuohsah kitah le chonsiet ngaidam chang te ihi ta uvin, Christa a thisa jouse thoukit tei diu ahi tai.



THOKITNA UM MONG AHI IPI'N APHOTCHET EM?

"Tun vang Christa thina kuon in kaithouvin aum in, a imumilsa ho thokit tei ding photchetna'n apang tai." (1 Corinth 15:20)



Jesu thokit in ichan tei diuva aphotchet masa pen chu, huhhingna kisan tasa-Adam apat leisiet khang kichai gei a umho lah a, thina tepkha jouse abon a thoukit tei diu ahi (1 Cor. 15:20-23).

Ithokit tieng u leh aban ipi um ding ham? Jesu'n thina agaljo chu melma jouse agaljona hi ding ahi tai (1 Cor. 15:25-26). Chutieng Jesu'n ima jouse Pa Pathien khut a apieh ding, "*Pathien chu ijakai chung a hi ding*" ahi tai (1 Cor. 15:24, 28).

Khonung a ichan diu aphotchet ban a tutu hinkho ding jong Paul in 2 aphotchet be'i:



1 Corinth 15:30-32

Hahsa jong leh Gospel lhangsap hi ipatchuompi tei ding u ahin, thi gei a bol ding pha pen chu ahi.



1 Corinth 15:33-34

Bible thuhil bang a chon hi hinkho lom tah, hinlo dih tah chu ahi.

+

○

ΕΙΗΘ ΤΗΟΚΙΤΝΑ



ITOBANG TAHSA MEL TOH ITHOKIT DIU HAM?

“Athiho thokit jong hitobang chu hiding ahi. Muonmang thei a kivuilut ahin, muonmang theilouva kikaithou ding ahi.” (1 Corinth 15:42)

Kaithouva um tahsa hetbailamna ding vetsahna:

Thingkeh pum (1 Cor. 15:35-38)

Muchi kitu



Chaang ki-at



Pathien in
muchu chivo
melput
chuom
chieh apieh



Tahsa pum (1 Cor. 15:39)

Mihiem
tahsa



Gamsa tahsa



Nga tahsa



Vahcha
tahsa



Vanthamjol thilsiem ho (1 Cor. 15:40-41)

Nisa vah
loupina



Lhavah
loupina



Ahsi te ho
loupina



Khat chieh
in loupina
nei chieh



ITOBANG TAHSA MEL TOH ITHOKIT DIU HAM?

“Athi ho thokit jong hitobang chu hi ding ahi. Muonmang thei a kivuilut ahin, muonmang theilouva kikaithou ding ahi.” (1 Corinth 15:42)

Tu hinkho tahsa leh kaithouva um tahsa kikhe in tem? (1 Cor. 15:42-44)

**Tu hinkho
tahsa**

**Muonmang
thei**

Jachat um tah

Lhasam

Tahsa lungvul


**Kaithouva
um tahsa**

**Muonmang
theilou**

Loupi tah

Thanei tah

**Lhagao
lungvul**



Adam chun tu hinkho tahsa mel apo'n, Adam nina'n [Jesu'n] vang van mel apo'i. Kaithouva ium tieng u leh Jesu mel iput ding u, muonmang theilou, loupi tah, thanei tah, lhagao lungvul le van melpu tahsa inei ding u ahi tai (1 Cor. 15:45-49).

ITI H TAH LEH ITHOKIT DIU HAM?

“Ven, thuguh kaseipih ui, iboncha uva ina imutmil suoh lou diu, ahin ibonchauva ikikhel suoh ding u ahi.” (1 Corinth 15:51)

Thokitna nikho ahung lhun a, itobang tahsa mel iput diu thudol ase i masang in Paul in “*tahsa phe le thisan in Pathien Lenggam alo theipoi...*” (1 Cor. 15:50). Kaithouva ium tieng u leh tahsa phe iput tahlou diu atina hin tem?

“*Tahsa phe le thisan*” ti thucheng hi “*mi*” ahilou le “*mihiem*” kiseina kimang ahi (Mt. 16:17; Gal. 1:16; Eph. 6:12; Heb. 2:14). Hiva hin vetkah ding Paul in akoi e: leisiet mite= muonmang thei, van mite= muonmang theilou, kitina ahi. Lei a muonmang thei tahsa inei u hi van a puohtou thei ahi poi.

Jesu hung kit tieng, hiche muonmang thei tahsa hi muonmang theilouva kikhel ding, Jesu thokit tahsa bang ding ahi tai (1 Cor. 15:51-55; Lk. 24:36-40).

Jesu a imumil jouse ding a hiche phaathung lhun chu mitphet kahlou bang bep ding ahi. Mitphet khat masang a thina kichat umtah kimaitopi a, mitphet khat bou jouva Jesu hung amu pai jieng bang ding ahi (1 Cor. 15:52).



“Jesu kaithouva aum chu ama a imumil jouse dia kikoipih thokitna vetsah chu ahi. Kaithouva um huhhingpu tahsa melput, amaisuo, akamcheng suoh awgin, abon a seijuite’n ahetsa bang tah chu ahi nalai e. Hitobang tah chun Jesu a thoukit te jong melhetsa hiding u ahi. Seijuite’n Jesu ahet jieng bang a eihon jong kaithouva um loi le pai ho imelhet thei jieng ding u ahi. Lei hinkho a tahsa melse tah po hi hen lang, dammo veisietna’n bom hen lang, kisuhmona mel nei jong le’u thokitna nikho tieng mellom tah le loupitah a hung thou ding u, ahivang a koi ahi u kichieh sel a kihe nalai ding ahi uve. Jesu mel loupitah asalvah ding u ahi.”